



Inatsisartunut ilaasortaq, Akitsinguaq Olsen, Siumut

Apeqqutip § 36-imut tunngasup Kalaallit Nunaanni nutaanik atorfinitsitsisoqartillugu nali-
giissitaasoqartarnersoq pillugu apeqqummut akissut

Asasara Akitsinguaq Olsen

Qujanaq arnat angutillu akornanni naliigiissitaaneq pillugu aammalu nunaqavissut tikisi-
tallu akornanni suliarortut atorfinitseqqarneqartarneranni naliigiissitaasoqartarnersoq pil-
lugu apeqqutinnut.

Apeqqutigisatit oqartussaaffinnut assigiinngitsunut marlussunnut attuumassuteqarput.
Tamanna pissutigalugu apeqqutivit siullersaat Isumaginninnermut Naalakkersuisoqar-
fimmit akineqassaaq apeqqutigisavillu aappaat pingajuallu Inuussutissaqarnermut Suli-
soqarnermullu Naalakkersuisoqarfimmit akineqassapput.

1. Arnat angutillu naliigiissitaanerat pillugu Inatsisartut inatsisaat nr. 7, 11.april 2003-
meersumi allassimasoqarpoq pisortaqaqfinni namminersorlutillu sulisitsisut Kalaallit
Nunaanni suliffeqarfanni atorfinitsitsissagunik arnat angutillu atorfinitsitaaneran
pisus-
saaffeqartut taakku naliigiimmik pineqassasut, soorluttaaq §3-mi aamma §4-mi allassi-
masoq suliffeqarfiit oqartussaqaqfiillu tamarmik naliigiissitaanissaq sulissutigissagaat
pissutissaqaraangallu pilersaarusionermi ingerlatsinermilu ilaatissallugu.

Naalakkersuisut naliliinerat naapertorlugu suaassutsit naliigiissitaanissaat qulakkeerniar-
lugu nalitsinnilu atuuttussanngorlugu najoqqutassiarineqarsimasut imarisamikkut naam-
mattutut oqaatigisariaqarput.

Naalakkersuisut tunngaviumik isumaqarput Kalaallit Nunaanni sulisartoqarnikkut u-
nammillersinnaasumik ingerlalluurtumillu ingerlatsisoqassasoq, aamma nunat tamalaat
akornanni ilisimatusarnikkut misissukkat takutippaat tamakkunani suaassutsit naliigiissi-
taanerat pitsaassutsimut qitiusumik uuttuutaasartoq. Taamaammat Naalakkersuisut
ukiuni aggersuni naliigiissitaanerup aqqani pitsaasumik ineriartortoqarnissaa pingaarti-
ppaat, tassani sulisartoqarnikkut suaassutsit immikkuullarittarnerat eqqarsaatigalugu,
aammalu arnat angutillu akornanni assigiimmik aningaasarsiaqartitsinermi arnallu qitiu-
soqarfanni atorfinitsittarnissaat eqqarsaatigalugit – soorlu siuttutut aammalu Namminer-
sorlutik Oqartussat suliffeqarfiutaanni siulersuisunut ilaasortatut.

2. Avataanit tikisitsilluni sulisussanik atorfinitsitsisarneq pisarpoq sulisussat sulisitsisus-
samut pisinnaasaminnik neqerooruteqartarnerisigut. Namminersorlutik Oqartussat eq-
qarsaatigalugit sulisussanut atorfinitsitsinissamut najoqqutassianik pilersitsisoqareerpoq.
Taamatuttaaq piukkunnarnersuisussanik pilersitsisoqarsinnaavoq, taakku qinnuteqaatit
tigusimasat nalilersussavaat, tamatumalu kingorna piukkunnarnersuisussat qinnuteqar-

6.aggust 2010
Sagsnr. 2010-035824
Dok. Nr. 432651

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: in@nanoq.gl
www.nanoq.gl

tuni ataaseq arlaqartulluunniit aggersarsinnaavaat atorfininnissamut neqeroortoqartin-nagu qanimut oqaloqatiginialugit.

Isumaqarluinnarpugut nutaamik atorfinitsittakkat toqqarneqartarneri qinnuteqartut pisin-naasaat naapertorlugit toqqarneqartatut.

Namminersorlutik Oqartussat ukiut tamaasa aqutsisoqarfiit allallu Danmarkimi suliffissa-nik neqerooruteqartuni naapittarpaat, ilinniartullu Kalaallit Nunaanni aqutsisoqarfinni pissutsit periarfissallu ilisimatitsissutigisarlugit.

3. Avataaniit sulisussat nutaat atorfinitsinneqartarneri kommuneqarfinni Inatsit nr. 27 1992-imi oktobarip 30-anneersoq naapertorlugu aallartisarneqartarput, tassanilu Suliso-qarnermut Naalackersuisoqarfik K benhavnimi Udl endinge Servicemut tusarniaasuu-sarpoq. Avataaniit tikisitatut atorfinitsissallugu akuerineqannginnerani, kommuneqarfik pisussaaffeqarpoq misissussallugu atorfinni pisariaqartinneqartuni inuttassaqaqareerner-soq. Kommuneqarfimmi najugarisami taamaattoqanngippat, kommuneqarfinni suliffis-sarsiuussisarfiit fax, e-mail allakkalluunniit aqutugalugit saaffigineqartarput atorfinitsin-neqarsinnaasunik peqareernersut. Kalaallit Nunaanni atorfinittussatut piukkunnaatilim-mik peqanngippat atorfinitsitsisussaq avataaniit tikisitsinissamut akuersissummik tuni-neqartarpoq. Qinnuteqaat K benhavnimi Udl endinge Servicemut nassiunneqartarpoq.

Nunaniit avataaneersunit tunngassutilinni inatsisiliortarnerup Nunatsinniisilernissaa Naa-lackersuisut pingaartitarimmassuk, Sulisoqarnermut Naalackersuisoqarfik siunissami Nunatsinni tamakkununga tunngassutilinni inatsisiliortarnissamut toqqammaviusussaa-sunik paasissutissanik katersivoq. Oqartussaaffik taanna Nunatsinniilissappat, allaffis-sornikkut ingerlanneqarnera Nunatsinnit ingerlanneqartalissaaq. Taamaattoq suli Qallu-naat Nunaanni naalagaaffimmi oqartussat kikkut Nunatsinnut isertussatut akuerineqar-simanersut pillugit ilisimatitsissuteqartoqartarnissaa pisariaqassaaq.

Sulisoqarnermut Naalackersuisoqarfik Savalimmiuni Namminersornerullutik Oqartussa-nik nunatta avataaniit tikittartut pillugit oqartussaanerup arriitsumik tigujartuaarneranut misilittagaat paasisaqarfiginiarlugit oqaloqateqartarluni aallartissimavoq.

Inussiarnersumik inuulluaqqusilluta

Med venlig hilsen



Maliina Abelsen